



Diogelu Oedolion Archolledig

Pan mae honiad wedi ei wneud yn eich erbyn

Diogelu Oedolion Archolledig

Beth yw diben diogelu oedolion archolledig?

Mae pob Tîm Diogelu Oedolion Archolledig yn gweithio i sicrhau bod holl oedolion archolledig yn cael eu diogelu rhag gamdriniaeth ac esgeulustod a phan fydd cyfeiriad yn cael ei dderbyn, efallai bydd angen gweithredu er mwyn cadw unigolion yn ddiogel rhag niwed pellach neu berygl o niwed. Mae gan Wasanaethau Cymdeithasol ddyletswydd i ymateb i holl bryderon y mae'n derbyn os gall oedolyn archolledig fod mewn perygl.

Gall pryderon fod wedi codi eich bod wedi niweidio neu roi oedolyn archolledig mewn peryg a gall hyn fod am nifer o resymau, gan gynnwys gweithredoedd esgeulustra, gweithredoedd bwriadol, neu weithredoedd sydd ddim yn fwriadol.

Mae gan Wasanaethau Cymdeithasol ddyletswydd i edrych i mewn i bob gofid o'r natur hon maent yn eu derbyn. Mae hyn yn cael ei wneud drwy broses a elwir yn Diogelu Oedolion Archolledig.

Os oes rhywbeth yn digwydd yn y gymuned leol, bydd gwasanaethau cymdeithasol yn ymateb, ac os oes rhywbeth yn digwydd mewn ysbyty neu leoliad gofal cynradd e.e. meddygfa neu glinig iechyd, bydd y Bwrdd Iechyd yn ymateb. Weithiau bydd angen i ni ofyn i eraill i edrych ar y sefyllfa, fel yr heddlu.

Pan mae honiad ynghylch camdriniaeth neu esgeulustod yn cael ei dderbyn, bydd Uwch Swyddog Dynodedig yn cydlynu'r prosesau sydd wedi eu gosod ym Mholisiau a Gweithdrefnau ar gyfer Diogelu Oedolion Archolledig Cymru.

Pwy allai fod yn oedolyn archolledig?

Diffiniad Polisi Cymru o oedolyn archolledig yw:

"Person 18 mlwydd oed a hŷn sydd angen, efallai, gwasanaethau gofal cymunedol oherwydd afiechyd y meddwl neu anabledd arall, oedran neu salwch, ac sydd ddim yn gallu gofalu am eu hunain neu sydd ddim yn gallu amddiffyn eu hunain rhag niwed sylweddol neu ecsploetiaeth ddifrifol."

Gall oedolion archolledig gynnwys pobl gydag anableddau dysgu, problemau iechyd y meddwl, pobl hŷn a phobl ag anabledd. Efallai bod eu sefyllfa yn cael ei gymhlethu gan ffactorau ychwanegol fel breuder corfforol, salwch difrifol, nam ar y synhwyrau, ymddygiad heriol, diffyg galluedd y meddwl, problemau cymdeithasol ac emosiynol, tlodi, digartrefedd neu gamddefnyddio sylweddau.

Cyfrinachedd

Pan wneir honiad, bydd yna wybodaeth efallai y bydd rhaid i ni ei rannu ag eraill, fel yr heddlu neu bobl sy'n monitro ansawdd gwasanaethau cofrestredig. Rydym yn cymryd gofal i sicrhau bod y wybodaeth ond yn cael ei rannu â'r bobl sy'n cymryd rhan yn y broses.

Beth sy'n digwydd pan nodir gofid?

Pan fydd honiad yn cael ei wneud, bydd penderfyniad yn cael ei wneud os bydd angen gweithred uniongyrchol i ddiogelu'r oedolyn archolledig. Bydd cymaint o wybodaeth a phosib yn cael ei gasglu ac efallai bydd angen rhannu'r wybodaeth hon ag asiantaethau eraill fel yr Heddlu neu sefydliadau sydd yn monitro safonau gwasanaethau cofrestredig. Bydd y wybodaeth hon ond yn cael ei rhannu â'r bobl sy'n ymwneud â'r broses Diogelu Oedolion Archolledig.

Bydd yr Uwch Swyddog Dynodedig yn cydlynu'r broses sydd wedi ei osod yn y Polisiau a Gweithdrefnau ar gyfer Amddiffyn Oedolion Archolledig Cymru. Gall hwn gynnwys cyfarfod strategaeth i bawb sy'n gysylltiedig â'r oedolyn archolledig i drafod yr honiad ac i benderfynu os oes angen ymchwiliadau neu weithrediadau. Ni fyddwch yn cael eich gwahodd i fynychu'r cyfarfod hwn.

Efallai ysgrifennir cynllun diogelu oedolion i egluro i'r rhai hynny sy'n gysylltiedig beth yw'r gofidion ac i osod camau er mwyn cadw'r oedolyn archolledig yn ddiogel rhag mwy o gamdriniaeth neu esgeulustod.

Os bydd angen archwiliad bydd y cyfarfod yn trafod y materion i'w harchwilio. Gall yr archwiliad cael ei gynnal gan yr Heddlu, gweithiwr/wraig ieched neu gweithiwr/wraig gofal cymdeithasol. Os penderfynir bod hyn yn fater troseddol, bydd archwiliad yr Heddlu yn cymryd blaenoriaeth a gall hwn greu oedi.

Bydd pob ymdrech yn cael ei wneud i gynnwys yr oedolyn archolledig yn y broses ac i barchu eu penderfyniadau a'u dymuniadau os yn bosib. Os bydd yr oedolyn archolledig wedi derbyn asesiad sy'n nodi nad oes medr iddynt wneud y fath hynny o benderfyniadau, bydd penderfyniadau sydd er eu lles gorau yn cael eu cymryd drostynt.

Sut byddaf yn cymryd rhan?

Efallai gofynnir i chi i roi eich barn am y sefyllfa sy'n cael ei hymchwilio. Gallai hyn fod yn gyfweiliad sydd wedi ei drefnu gan yr heddlu, neu gweithwyr proffesiynol eraill sydd wedi derbyn hyfforddiant i arwain archwiliadau sy'n gysylltiedig â gweithdrefnau Diogelu Oedolion Archolledig.

Efallai gallwch drafod y sefyllfa ymhellach gyda rheolwr/wraig gofal cymdeithasol, rheolwr/wraig gofal iechyd, adfocad neu gyfreithiwr/wraig yr oedolyn archolledig.

Os ydych yn berthynas, ffrind neu gymydog gyda chyfrifoldebau gofalu efallai cynigir asesiad gofalyddion i chi i benderfynu os oes angen gwasanaethau ychwanegol i'ch cefnogi chi ai peidio.

Ble alla i gael cefnogaeth?

Gallwch drafod y broses ymhellach gyda rheolwr/wraig gofal, nyrs neu eiriolwr/wraig benodol, cyfreithiwr/wraig neu sefydliad gofalyddion yr oedolyn archolledig, er enghraifft Age Concern.

Os ydych yn berthynas, ffrind neu gymydog gyda chyfrifoldebau gofalu efallai cynigir asesiad gofalyddion i chi i benderfynu os oes angen gwasanaethau ychwanegol i'ch cefnogi chi ai peidio.

Beth sy'n digwydd ar ôl yr ymchwiliad?

Unwaith bod yr ymchwiliad wedi gorffen, bydd cyfarfod arall yn cael ei gynnal fel y gall y bobl berthnasol sy'n cymryd rhan yn y broses o ddiogelu'r oedolyn archolledig adolygu'r ymchwiliad a phenderfynu os profwyd neu os na brofwyd yr honiad. Efallai bydd cynllun diogelu oedolion pellach yn cael ei greu i sicrhau diogelwch a lles parhaol yr oedolyn archolledig.

Efallai bydd gweithredoedd pellach neu newidiadau i'r ffordd y darperir gofal ac efallai bydd gofal yn cael ei fonitro drwy'r cynllun diogelu oedolion. Gall y cynllun gynnwys hysbysu sefydliadau fel y Swyddfa Gwarcheidwaeth Gyhoeddus/y Llys Gwarchod neu wasanaethau cyfreithiol eraill.

Manylion cyswllt

Os hoffech ragor o wybodaeth, cysylltwch â:

Blaenau Gwent:

Ffôn: 01495 315700

E-bost: dutyteam@blaenau-gwent.gcsx.gov.uk

Ffacs: 01495 353350

Caerffili:

Ffôn: 0808 100 2500

E-bost: diogeluoedolion@caerffili.gov.uk

Ffacs: 01443 864664

Sir Fynwy

Ffôn: 01291 638928

E-bost: monpovaduty@monmouthshire.gcsx.gov.uk

Casnewydd:

Ffôn: 01633 656656

E-bost: pova.team@newport.gov.uk

Torfaen:

Ffôn: 01495 762200

E-bost: socialcarecalltorfaen@torfaen.gov.uk

Ffacs: 01495 766686

Os oes argyfwng ac mae angen i chi gysylltu â ni tu allan i oriau swyddfa ffoniwch ein **Tim Dyletswydd Argyfwng** ar: **0800 328 4432**